



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

2021 оны 03 сарын 30 өдөр

Дугаар A/119

Алтай хот

Гамшигаас хамгаалах өндөржүүлсэн
бэлэн байдлын хугацааг сунгаж, зохион
байгуулалтын арга хэмжээг авах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Гамшигаас хамгаалах тухай хуулийн 32 дугаар зүйлийн 32.1.1, 32.1.3 дахь заалт, Засгийн газрын 2021 оны 45 дугаар тогтоол, Улсын Онцгой комиссын хурлын шийдвэр, аймгийн Онцгой комиссын 2021 оны 16 дугаар хурлын шийдвэрийг тус тус үндэслэн **ЗАХИРАМЖЛАХ** нь:

1. Аймгийн хэмжээнд засаг захиргаа, нутаг дэвсгэрийн нэгж, төрийн болон нутгийн захиргааны байгууллага, иргэн, хуулийн этгээдийг гамшигаас хамгаалах өндөржүүлсэн бэлэн байдлын зэрэгт шилжүүлсэн хугацааг 2021 оны 04 дүгээр сарын 01-ний өдрийн 06:00 цагаас 2021 оны 04 дүгээр сарын 14-ний өдрийн 06:00 цаг хүртэл сунгасугай.

2. Тусгаарлах байраар дайчлах “Ентүм”, “Амар-Алтай” зочид буудлуудаас бусад зочид буудал, дэн буудлуудын үйл ажиллагааг хязгаарласугай.

3. Улаанбаатар хот болон голомтот аймгаас ирсэн иргэдийг 7 хоног тусгаарлах байранд тусгаарлаж, түүнтэй холбогдон гарсан зардлыг тусгаарлах байртай хийсэн гэрээний заалтыг баримталж ажиллахыг аймгийн Засаг даргын Тамгын газар, Онцгой байдлын газар, Цагдаагийн газар, Мэргэжлийн хяналтын газарт, Эрүүл мэндийн газар, аж ахуйн нэгжийн дарга, захирал нарт тус тус даалгасугай.

4. Ховд аймагт (Ковид-19) халдварт батлагдсантай холбогдуулан Ховд аймгийн Дарив сумд хяналтын пост шинээр байгуулахыг Онцгой байдлын газар, Цагдаагийн газар, Мэргэжлийн хяналтын газарт, Хөхморьт, Дарив, Тонхил, Баян-Уул, Шарга сумдад хяналтын пост байгуулан ажиллуулж орох, гарах хөдөлгөөнийг хязгаарлан ажиллахыг сумдын Засаг дарга нарт тус тус даалгасугай.

5. Улсын чанартай зам дагуух хүнсний дэлгүүр, гуанз, зоогийн газрын үйл ажиллагааг бүрэн хааж үүрэг даалгавраар хангаж ажиллахыг Цагдаагийн газар, Мэргэжлийн хяналтын газар, сумын Засаг дарга нарт тус тус үүрэг болгосугай.

2.

6. Есөнбулаг сумд шинээр ашиглалтад орсон хяналтын цэгийг ажилд оруулж, тог цахилгаанаар хангаж ажиллахыг "Алтай-Улаастайн Эрчим хүчний систем" ТӨХК-д, иргэн, тээврийн хэрэгслийн хөдөлгөөнд хяналт тавьж, удирдлага зохион байгуулалтаар хангаж ажиллахыг Онцгой байдлын газар, Цагдаагийн газар, Мэргэжлийн хяналтын газар тус тус даалгасугай.

7. Гамшгаас хамгаалах өндөржүүлсэн бэлэн байдлын зэрэгт шилжүүлсэн хугацаанд коронавируст халдварт (Ковид-19) цар тахлаас урьдчилан сэргийлэх зорилгоор олон нийтийг хамарсан хурал цуглаан, албан томилот, урлаг соёлын тоглолт, спортын арга хэмжээ зохион байгуулахыг хориглосугай.

8. Коронавируст халдварт (Ковид-19) цар тахлаас урьдчилан сэргийлэх зорилгоор Хөхморьт, Дарив, Тонхил, Баян-Уул, Шарга сумдад арга зүйн зөвлөгөө өгөх ажлын хэсгийг байгуулж үүрэг даалгаваар ханган ажиллахыг Онцгой байдлын газар, Цагдаагийн газар, Тагнуулын хэлтэс, Эрүүл мэндийн газарт тус тус үүрэг болгосугай.

9. Дээрх үйл ажиллагаанд шаардагдах 6,546,000 (зургаан сая таван зуун дечин зургаан мянган) төгрөгийг хавсралтад заасны дагуу аймгийн Гамшгийн сангаас шийдвэрлэхийг Санхүү, төрийн сангийн хэлтэс (Х.Баатарзориг)-т зөвшөөрсүгэй.

10. Захирамжийн хэрэгжилтэд хяналт тавьж ажиллахыг аймгийн Засаг даргын орлогч (Г.Чинбат)-д даалгасугай.


ЗАСАГ ДАРГА



О.АМГАЛАНБААТАР

Аймгийн Засаг даргын 20/21 оны
03 дугаар сарын 30-ны өдрийн 00:00 дугаар
захирамжийн хавсралт

ЗАРДЛЫН ТООЦОО



Д/д	Нэр	Зарцуулсан ажил	Хэмжих нэгж	Тоо ширхэг	Нэг бүрийн үнэ	Нийт үнэ	
1	Шатахуун	Баян-Уул, Дарив, Тонхил, Хөхморьт, Шарга сумдад арга зүйн зөвлөгөө өгөх ажлын хэсэг, Ховд аймгийн Дарви сумд ажиллах хяналтын цэгийн гэр хүргэх.	литр	330	1900	627000	
		Бууцагаан, Дарви сумд дахь хяналтын цэгийн ээлж солих.					
		Бууцагаан, Дарви сумд дахь хяналтын цэгт мотор асаах.					
		Нийт шатахууны зардал				2248000	
2	Хоол	Өдөрт 3 удаа /19хүн*14 хоног/	ширхэг	798	5000	3990000	
3	Бусад зардал	Түлээний мод /2*14 хоног/	уут	28	6500	182000	
		Нүүрс /2*30кг*14/	кг	840	150	126000	
Нийт бусад зардал						308000	
НИЙТ						6546000	

—oo—